

友

友

無弊歟

問國家取士之法歷代不同選舉降而科名詞章駢體策論制藝與時變遷其間究以何者爲能得眞才可以持久三代選舉之法行之於今能天下無途無才也惟學校爲最盛學校亦無代無才也惟選舉爲最公顧漢魏以降取士之法尙策論尙詞章尙駢體尙制藝代有變革豈無好古之君冀復選舉之法以與唐虞三代比隆哉而卒且規規於科名一途者時限之也勢阻之也然竊維科名之中駢體不若詞章詞章不若制藝制藝又不若策論策論可以覘經濟可以驗心術可以觀人品且可以徵氣節誠絕其矜才使氣之作取其議論之中於事而規於正者授以職守勸其施行加以考課校其優絀凡爲輿論所折服臣僚所推重者擢諸上位寄諸重任其行不副言者黜不復用則人人有懋勉之志而選舉之法未

始不參用其間此誠歷久無弊之良規而真才所由得也請纓舉以申之
唐虞之世大道爲公鄉舉里選得人最盛至周而三升待選九年觀成取
士之權獨操於上誠恐人心不古或藉標榜以成名或飾畸行以市譽專
務選舉適滋流弊不若論定後官位定後祿之爲得也迨夫漢魏崇尚文
藝天地人三策冠絕今古然別有賢良方正孝弟力田與夫茂材異等諸
科資格不拘古制未沒故漢代人才尤勝魏晉唐承隋制特設進士一科
較重於明經學究明算明法諸途雖止尙詞章然其初焚香以禮臨軒以
策經營鄭重頗稱得人惜嗣後專驚文采不論性情塗抹抄胥沿襲比比
浮華之士動以駢儷相銜鬻冒濫遂多於是羅棘遮截以杜弊覆試黜落
以嚴罰無如衡鑒旣疏真才卒鮮此駢體不若詞章之確證也宋之中葉
始行制藝沾沾墨義似近迂濶然前則二宋競爽後則三洪齊名不愧鴻

詞無慚科目元明以降制藝愈崇殿五策於四書變帖括爲經藝講明學
校程式士林碩彥名儒於斯間出此詞章不若制藝之確證也惜衡文者
不能悉規於正好奇炫異往往而然於是揣摩風尚抉摘章句之士競驚
新奇僥倖名位得失亦云參半惟宋初崇重策論旁及詩賦於是歐陽力
矯苗軋之習號稱得人蘇子特論刑賞之平得擢上第諸君子之由科目
進者功名事業昭著史冊有非元代以後所能企及者此又制藝不若策
論之確證也若夫選舉之法三代以上可以專行近今以來但宜參酌蓋
古時民俗厚國政簡若鄉大夫閭胥族師黨正州長皆得盡心勸戒且耳
目易周不至舉非其任今則風尚不齊人情浮薄設廢科目而行選舉則
依阿諸俗之小人閹然媚世之鄉原皆得假竊聲望覬覦祿位偶渚真膺
弊竇滋生再事紛更國體有損不若試以有益經濟有關氣節有合人品

有○神○心○術○之○策○論○悉○心○考○校○實○力○奉○行○間○有○濫○竽○廢○黜○易○易○而○懷○奇○負○異○
之○士○亦○且○彈○冠○相○慶○冀○効○寸○長○不○必○高○言○選○舉○而○選○舉○之○法○早○寓○其○中○又○
何○才○之○不○得○哉○我○

國家需才孔亟○取士方殷○敢援歷代之法令○準以今之時勢○効愚者千慮之○
一得焉○

持論正大典切不膚由其心氣和平故能言之有物

蕭蘊齋邑尊

問周禮井人職司守禁唐宋迄明開礦利弊可考者若何今欲仿行西法
宜如何自主其權使利不外漏而弊不病民

古之爲國者○貨惡其棄於地○寶欲其藏於山○故周禮地官井人一職○掌金
玉錫石之地○爲之禁以守之○圖其地而取之○非私也○天地之菁華○不欲其
竭也○唐宋以降○生齒日益繁○度支日益絀○於是大興開礦之議○其要不外
官採民採兩端○顧官採則利在國而弊在民○民採則利在私而弊在公○徧
攷史冊其利弊有可得而言者○如唐德宗宣宗時○以山澤所出歸鹽鐵使○
宋神宗時坊鄰互保之法○哲宗時私出禁地之制○徽宗時私淘論盜之律○
金則產銅之地有禁而器用不足○明則稅礦之使四出而海內騷動○此國
受其利民受其弊者也○然唐自開元之季○初稅銀錫○不設採鑄之禁○五代
若唐若晉亦沿其制○宋始開國太祖則酌減課銀○太宗則不許官掌遼金

而後○惟元有土人呈獻定其歲課之法○此固異於明之苛派○實則私家有
利○公家無利者也○至於官給本錢○令民承辦開採○其費責成主者○宋明季
世○往往而然○苟理事得人○洵屬利多弊少○惜行之未善○每至失不償得○議
者遂以開礦爲厲禁○不知此非開礦之弊○弊在不能收開礦之利也○今者
泰西互市○縱橫中夏○動輒以富強相銜○

國家力求振作○自以開礦爲富強之基○顧必權由自主○始能興利除弊○俾外
夷不至走漏○下民不至受病○竊維其法○蓋有數端○請就管見而縷陳之一
礦師出洋學習○宜派殷實商人也○從前封禁日久○風氣未開○紳商不知礦
政○爲何事○故偶一開採○必聘西人爲礦師○官吏給其薪資○工役聽其指使○
開而不效○亦難加以責備○今使振興礦政○自宜出洋學習○然紳富子弟○每
懼風濤驚險○未肯跋涉外洋○若將就召募○則失業游民○亦得濫風○無論習

而無益卽督令擇地望氣恐游移其說必至得不償失商人則歷練已久視瀛海如坦途且其中未必無講求礦務之人苟由官保送優其資斧限期往返無不踴躍從事習學既就卽令專司其事彼家室充裕懼有賠累自當相度精密百不失一辦有成效除照例資給外酌予官秩以獎勵之如此則中國人人効用而礦務蒸蒸日上曰開礦雇募匠役宜參用兵民勿令洋人干預也往者外夷覬覦中國利藪每謂華民雖有佳礦不善發取故開辦時必兼使伊國商人雜入不特利權羸絀動息皆知而礦苗極旺之地難保其無漏失其實傭工役夫不過聽礦師指揮豈有巧拙之異若使勇丁土著各任其半則客匪無敢佔踞而餉費亦可節省且營丁可以軍法相治必不敢稍存私意而土民受其牽制亦可免藏匿舞弊之弊較之雇用洋工得失何止倍蓰則一舉而三善備矣一日礦費甚鉅

宜先由督撫大員捐欸試辦也。外夷事事昭信。君民一體。故雖採礦經費不貲。可以叱嗟立辦。華人每求自利。遇此等公事。往往觀望不前。若紳富不肯集資。勢必仍令洋商入股。是我受其勞。彼享其成。漏卮依然難塞。顧推原其弊。實因前此興礦集股者。資本或且無着。故不肯再蹈覆轍。今須官府先行創辦。果得利益。然後招紳富共事。次第擴充。以期利源之不息。惟洋商毋得越俎攪入。并照會各國領事。凡華人以股票見抵者。卽作廢紙。慎勿誤受。如此則公私交濟。夷人無涓滴可以染指矣。一曰礦地或妨廬墓。宜酌給經費。示期遷徙也。礦產恒在窮巖絕嶠。固可與民無擾。然通大都邑閒亦有之。使其爲利微薄。自宜憩置以安百姓。設或礦產饒裕。甲於他處。不得不開採。以廣利源。則宜先期曉諭。以三年爲限。令擇地遷徙。由地方官量予資斧。無得錙銖剋扣。以昭體恤。若果抗違。論之如律。如此。

則恩威並濟○民怨不至叢興矣○一日礦利既興○宜節用以裕其本也○中土金銀銅鐵之產○實爲五洲之冠○特用之無度○民間轉形竭蹶○杯箸也而金銀矣○椽瓦也而銅質矣○充此以往○安得無衰匱之日○請自今令各省官商紳富○除應用金銀物件外○一律禁鑿礦產○宮中府中俱宜一體庶上行下效○民人皆崇節儉○迨貨財流通○日用饒足○洋圓不禁自絕而錢幣可免外洩○市價可免飛漲矣○凡此數端○實今日開礦之急務○至若測礦堂之廣狹○給礦工之厚薄○與夫烹鍊鑄之瑣屑○言者頗屬詳悉○姑不贅述○以作無謂之雷同○謹疏自主利權之說如此○

策舉其要不事抄胥 王同伯山長

東果其要本寺錄

請之雷同顯赫自主

餘師丁之期與夫烹飪

斯市雷而後舉斯突凡此

燄以人皆集而前位貴

轉富潤顯則金銀

雖焚薪正而而

全幾國難之而

順恩顯並常另慈不至

問唐以來中國多外患其受病安在方今時局日新變故日亟殆非從前之比豈歷朝積弱相仍以致外侮不靖歟試舉其受禍之由而處以起病之劑

夷狄之擾中國不自唐始也虞夏之苗商之鬼方周之玁狁漢之匈奴代受其患然亦惟掠邊犯塞征之即服未有稱兵內地逼臨城下動輒大舉入寇疆吏不能禦守臣不能折如唐以來之甚且多者唐如回鶻南詔諸國屢叛屢服猶未繫輕重也其爲患之劇莫如吐蕃爲甚吐蕃漸衰而契丹繼之而起五代惟幽州之圍莊宗果斷稍挫其氣若晉若漢始皆倚契丹立國嗣主復挑其怒召釁致寇固無足論周世宗雖英明神武惜踐祚不久燕雲十六州未暇恢復卒使北虜從此得志至宋而遼金蒙古始則寇害繼且鼎立終遂有青城之辱崖山之逼元太祖兵威丕震加及歐洲

世祖席其遺烈遂成一統且北方緩急可恃故雖傳國不永而入十餘年
間外患絕少明之季世倭奴驛騷沿海爲患尤劇島夷貿易由明啓之海
疆躡藉亦自明致之沿至於今迄難檉絕攷其受病之由有一朝所獨者
有歷代所同者有昔爲患而今免者有昔無是患而今始啓者請縷舉之
唐之方鎮漢之藩服也太宗分置節度帶甲十萬鎮扼邊境蕃夷貢使不
絕非果懷其德也力足以控制也迨祿山朱泚憑方鎮起議者指若厲階
析爲數十勢單力弱屏蔽不足而吐蕃入汧州矣南詔陷交趾矣故唐之
弱弱於有方鎮而不能馭唐之亡亡於削方鎮而不復建至如五代天下
分裂雖竊尊號兵權不統外患迭起固莫能禦宋與明則不然宋之病在
好啓邊釁而無以善其後明之病在僅守疆域而不克振其勢何者太宗
兩伐契丹一以致瓦橋關之寇一以致易州之陷令眞宗不用寇準之策

澶淵一失敵軍乘勢深入南北之分不待徽欽時矣然自是求地索幣幾無虛日卒成南渡之禍北人易視中國實自太宗啓之有明繼元而起威加塞外夷人股慄惜再傳而後倭寇掠江浙俺答犯京師至則籌防禦之策既退輒弛曾不聞練兵遣將如戚繼光熊廷弼其人者犁巢擣穴折其暴橫之燄此可爲長太息者也我

朝鼎定燕京賓服者數十國附庸者十餘國赫聲濯靈於古罕匹乃夷情貪而無厭懷柔過甚不免逞其狡詐之術所貴恩威並用斯爲得之顧此皆各朝獨有之患也若夫翫寇輕歟無世無之其受病尤不可勝言兵法曰知己知彼百戰百勝傳曰安不忘危存不忘亡誠以寇至之無日勝之不可以保不得不預爲防也是故開國之主無不內安外攘水慄陸警數傳而後承平日久文康武嬉勦敵驟至往往倉皇失措唐受安胡之禍宋致

汴京之圍明紀大同通州之潰至乃粵海之寇津沽之警尤事之近而可
鑒者然中國之大人民之衆敵至而備之伺隙而創之以戰爲守以守爲
和力戒翫寇之習未爲失也無如中國之病又在輕於議款議款易則敵
能窺我虛實而爲患益亟平涼之劫盟東京之敗約馬市之侵暴前車覆
轍炯然可鑒及今不悟後將不可救藥矣至如和親一事國體固卑國事
亦安保不洩唐宋之間恒有其事又其甚者或以子禮事外夷或以臣禮
事敵國至明以後無復是患顧嘗橫覽時局竊見外患之來受病出乎古
人外者刺取其要厥有數端一曰沿海悉准通商內地悉准遊歷也外夷
停舶互市始自有明

國家定鼎首伸海禁迨康熙中臺灣底定海禁大開延至嘉道間未嘗遏絕
然亦祇粵海一區今則奉直江浙閩廣任其各建市埠什伯成羣連檣相

接器則火礮蠻刀人則趨捷狙獮肘腋之變已難防制乃復使遊歷內地山川形勢瞭如指掌萬一有事防堵愈難此病於過寬而慮之不遠也二日屬國告警而救之不早棄之不惜也夫邊海附庸實中國之拱衛若安南若朝鮮若緬甸暹羅以及西北諸部昔皆稱臣奉貢今或相并吞矣或折而入於他國矣或急切不援事定而自主矣譬諸一家藩籬盡撤墻垣盡毀欲寇盜之不至勢不可得此病在輕視藩屬而無以保之也二日襲西學之粗迹而不師泰西之良法也夫外洋崇尚格致所謂藝成而下中華崇尚聖道所謂德成而上然時局至於今日五洲強國眈眈環視非富強無以立國必欲專守舊習舉彼國治民練兵理財諸大政鄙夷而不屑道誠非救時良策須擷其精華棄其糟粕庶乎有多今也不揣其端不訊其末舍千聖百王震古鑠今之法度惟尋求於儀數之末問以泰西之政

事不知形勢不知民情風俗又不知噫率是道以弭外患觀閱受侮未有已也此病在人才之不適於用也四曰議和定約無幹練之才與之申明條款也夷人狡猾狙詐窺我間隙或以兵勢相脅或以危語相動既與定約則又多方逞其機械如租界則有永遠字樣兵費則有抵償名色洋烟則有銷售款目大都乘我不覺潛伏深意爲後來地步設奉使者臨機立應破其奸謀挾其隱情隨事酌改如富鄭公議契丹歲幣獻納二字以死爭之不特可杜後患亦使彼見中國有人跋扈之氣因之少戢無如當軸者值定和議換約章時但圖將就了事雖萬難應允之款亦且託言從權此種細故愈無覺察不知夷人日後卽得藉端挾制近今交涉事件處處棘手實由於此此病在受其蒙而不能挾摘也五曰邊境曠土日滋侵削不加勘定也內外蒙古以及新疆西域地雖荒邈要皆疆場重寄洋人覬